



Ein cyf/Our ref: CG/PO/19/2023

Y Gwir Anrh Elin Jones AS
Llywydd a Chadeirydd y Pwyllgor Busnes
Senedd Cymru
Bae Caerdydd
Caerdydd
CF99 1SN

SeneddBusnes@senedd.cymru

19 Ionawr 2023

Annwyl Elin,

Cyflwynwyd Bil Cyfraith yr UE a Ddargedwir (Dirymu a Diwygio) ("y Bil") yn Senedd y DU, Tŷ'r Cyffredin, ar 22 Medi. Gosodais Femoramdwm Cydsyniad Deddfwriaethol arno ar 3 Tachwedd a Memorandwm Cydsyniad Deddfwriaethol Atodol ar 21 Rhagfyr.

Roedd Cyfnod Adrodd y Bil ddoe, Ionawr 18. Cyflwynodd Llywodraeth y DU welliannau ar 11 Ionawr, ac rydym wrthi'n dadansoddi'r manylion i weld a fydd yn ofynnol inni lunio Memorandwm Cydsyniad Deddfwriaethol Atodol arall yn sgil y gwelliannau hyn. Rhannodd Llywodraeth y DU rywfaint o'r cynnwys polisi ar un o'r gwelliannau arfaethedig, ond ni rannodd holl fanylion y gwelliannau a gyflwynwyd. Yn ogystal, mae gwelliannau anllywodraethol perthnasol hefyd wedi cael eu cyflwyno, ac mae'n bosibl y cytunir i gynnwys y gwelliannau hyn yn y Bil.

Byddwn yn llunio un Memorandwm Cydsyniad Deddfwriaethol Atodol yn ymdrin â'r holl welliannau perthnasol a gyflwynwyd ar gyfer y Cyfnod Adrodd. Rwy'n cydnabod bod hyn yn golygu y caiff y Memorandwm Cydsyniad Deddfwriaethol Atodol hwn ei osod fwy na phythefnos ar ôl cyflwyno'r set gyntaf o welliannau, ond credaf y bydd yn sicrhau ei fod yn adlewyrchu datblygiad y Bil yn gywir ac yn rhoi cyfle i'r Senedd graffu arno yn effeithiol.

Rwy'n anfon copïau o'r llythyr hwn at Weinidog yr Economi, y Gweinidog Materion Gwledig a Gogledd Cymru a'r Trefnydd, y Gweinidog Newid Hinsawdd a Chadeirydd y Pwyllgor Deddfwriaeth, Cyfiawnder a'r Cyfansoddiad.

Yn gywir,

Mick Antoniw AS/MS
Y Cwnsler Cyffredinol a Gweinidog y Cyfansoddiad
Counsel General and Minister for the Constitution

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Mick.Antoniw@llyw.cymru
Correspondence.Mick.Antoniw@gov.Wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.